

Broj: 101- 4150/25 DŽS
Zenica, 07.04.2025. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22, 50/24), na Preporuku Komisije za nabavku broj: 501-4148-1/25 DŽS od 07.04.2025. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 501-4148/25DŽS od 07.04.2025. godine u postupku dodjele okvirnog sporazuma za nabavku usluga odvoza materijala sa skladišta do deponije i prihvata se preporuka Komisije za nabavke da se okvirni sporazum zaključi sa ponuđačem:

ALMY d.o.o. Zenica

kao najbolje ocijenjenom ponuđaču, prema ponudi protokolisanom pod brojem: 501-3933/25 od 28.03.2025. godine, a nakon e-aukcije za ostvarenu cijenu od 19.780,00 KM bez uračunatog PDV-a.

II

Prvobitno ponuđena cijena izabranog ponuđača u iznosu od 19.800,00 KM nakon provedene e-aukcije umanjena je za 0,1 %.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

III

Prijedlog okvirnog sporazuma dostavit će se na potpis izabranom ponuđaču u skladu sa članom 98. Zakona o javnim nabavkama BiH.

IV

Za izvršenje ove Odluke zadužuje se Komisija za nabavke, Služba za kadrovske i opšte poslove, te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj: 39/14, 59/22, 50/24).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-3041/25 AB od 05.03.2025. godine. Javna nabavka je provedena putem konkurentskog zahtjeva sa zaključivanjem okvirnog sporazuma na period od 9 mjeseci.

Procijenjena vrijednost javne nabavke bez uračunatog PDV-a je 20.000,00 KM.

Dana 07.03.2025.godine na Portalu javnih nabavki, istovremeno sa objavljivanjem Obavještenja o nabavci broj: 439-7-2-118-3-77/25 objavljena je i tenderska dokumentacija.

U prilogu se dostavlja Izvještaj o preuzimanju tenderske dokumentacije od strane ponuđača preuzet sa portala javnih nabavki dana 01.04.2025. godine.

Rok za dostavljanje ponuda je bio 01.04.2025. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj kovrti, i to:

1. SHS Kačuni d.o.o. Busovača
2. ALMY d.o.o. Zenica
3. ŠPIC BETON d.o.o.

Komisija za nabavku imenovana je Odlukom broj: 101-3165/25 AB od 10.03.2025. godine, kao i Odlukom broj: 101-3165-2/25 od 01.04.2025. godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- da nema neblagovremeno zaprimljenih ponuda 0 (nula),

Komisija za nabavku je dana 07.04.2025. godine direktoru preduzeća dostavila Zapisnik o ocjeni ponuda broj: 501-4148/25 DŽS od 07.04.2025. sa preporukom o izboru najpovoljnijeg ponuđača:

Ponuđač SHS Kaćuni d.o.o. Busovača je dostavio ponudu koja nije u skladu sa tenderskom dokumentacijom iz razloga što ponuđač nije preuzeo izmijenjenu tendersku dokumentaciju te je dostavio nevažeći Aneks 2 – obrazac za cijenu ponude, takođe kopija ponude nije ukoričena niti uvezana jamstvenikom na način da se onemogući vađenje ili umetanje listova. Iz gore navedenih razloga ponuda ponuđača SHS Kaćuni d.o.o. Busovača je nepravilna (član 2., tačka 1., stav 3. Zakona o javnim nabavkama BiH), te se odbacuje u skladu sa članom 68., stav 4., tačka (i) Zakona o javnim nabavkama BiH („Sl. glasnik BiH, 39/14, 59/22, 50/24).

Uvidom u priloženu dokumentaciju postupka broj: 403-3041-2/25 MS od 21.03.2025. godine – nabavka usluga odvoza materijala sa skladišta do deponije, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama („Sl. glasnik BiH”, 39/14, 59/22), i članu 17. Uputstva za pripremu modela tenderske dokumentacije i ponuda („Sl. glasnik BiH”, broj: 90/14), nije našla osnovan razlog da izrazi sumnju da je cijena prihvatljivih ponuda neprivredno niska.

Slijedom navedenog, ugovorni organ je ponuđačima koji su dostavili formalno-pravno ispravne i tehnički prihvatljive ponude, shodno odredbi čl.4. Pravilnika o načinu korištenja e-aukcije, zakazao e-aukciju za dan 07.04.2025. godine, u terminu od 09:00 sati.

Ponude ponuđača, prije početka e-aukcije su:

1. ALMY d.o.o. Zenica, sa ukupnom cijenom ponude u iznosu od 19.800,00 KM bez PDV-a
2. ŠPIC BETON d.o.o., sa ukupnom cijenom ponude u iznosu od 19.800,00 KM bez PDV-a

E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. ALMY d.o.o. Zenica, sa ukupnom cijenom ponude u iznosu od 19.780,00 KM bez PDV-a
2. ŠPIC BETON d.o.o., sa ukupnom cijenom ponude u iznosu od 19.800,00 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, ocijenila kako slijedi:

1. ALMY d.o.o. Zenica, sa ukupnom cijenom ponude u iznosu od 19.780,00 KM bez PDV-a
2. ŠPIC BETON d.o.o., sa ukupnom cijenom ponude u iznosu od 19.800,00 KM bez PDV-a

Shodno prethodno navedenom, Komisija je sa 3 (tri) glasa ZA i 0 (nula) glasova PROTIV donijela odluku da je najpovoljniju ponudu za nabavku usluga odvoza materijala sa skladišta do deponije dao ponuđač ALMY d.o.o. Zenica jer je ponuđač dostavio ponudu sa najnižom cijenom prihvatljive ponude, te Komisija predlaže da se sa navedenim ponuđačem kao najpovoljnijim zaključi okvirni sporazum.

U postupku ocjene provedenog postupka direktor preduzeća nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku. Iz navedenih razloga, primjenom i člana 32. i člana 64., stav 1., tačka (b) Zakona o javnim nabavkama BiH („Službeni glasnik BiH”, broj: 39/14, 59/22, 50/24) odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema Odluke.

DOSTAVLJENO:

- 1 x Ponuđači
- 1 x Direktor preduzeća
- 1 x Pom.dir.za ekon. i prav.posl.
- 1 x Pom.dir.za tehn.posl.
- 1 x Pom.dir.za razvoj i invest.
- 3 x Članovima Komisije
- 1 x Službenik za javne nabavke
- 1 x Sekretar Komisije
- 1 x a/a

